

Wien, Österreichische Nationalbibliothek (ÖNB), Cod. 1577

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

447

C O D I C E S

448

nia ipsis sacri Textus verbis. Summi Sacerdotes redduntur *die Pischoff*. Pallium album cum tunica viridi *Johannem*, habitus flavus, rufumque caput *Judam Iscarioten* distinguit.

CLXII.

855. 355 Codex membraneus ital. lat. Sec. XV. Folior. 81. 8. nitide exaratus et minio praenotatus partim a *Gabrielide de Graffis*, partim a *Paula de Strata Sanctimonialibus ditionis Venetae*, ut dialectus suadet, continet Narrationem Passionis Dominicae in Articulos divisam et infarctam variis, quae ab Evangelistis prodita non sunt. Titulus est: *Qui si comenza lo misterio della passione del nostro signore yhesu christo*. Initium vero: *Approsimando lo tempo ch'lo nostro saluatore yhesu per la sua passione uoleua recuperare la humana generatione. Un dominicha da matina sa parichio de andare in ierusalem nouamente si como era prophetata di luy. e uolendo andare la matre sua cum pietoso affecto si li dixe. O fiol mio. e doe uoi tu gire &c. Et finis: Et esso ne facia degni con la sua gratia. Amen.* A fol. 65. p. 2. sequuntur *Orationes quaedam partim italicico, partim latino idiomate, atque inter posteriores una superstitionis, cuius initium: Hec est oratio sancti cipriani cuius oratio sit semper nobiscum amen. Hec est absolutio omnium facturarum (Fattura, Incantatio, unde et Vulgus Teutonicum de Homine*

praestigiis affecto: Es ist ihm ge-
than worden.) *atque malorum oculorum* (Fascinatio) *et uinculum* (al. Ligatura) *laus deo sit in celo et in terra. &c.* Inducitur dein *Cyprianus* confitens maleficia, quae ante conversionem ad Christum patrasset, unde non de *Cypriano Carthag.* Episcopo, sed de *Cypriano Mago*, cujus memoria die 26. Sept. agitur, hic res est. Accedit ejusdem furfuris Conjuratio mulieris difficulti partu laborantis, atque haec nihil quidem ad Sanctimoniales.

CLXIII.

VIII. 6. 18. Codex membraneus lat. Sec. 367 XIV. Folior. 96. f. per duas columnas exaratus rubricisque distinctus continet Exempla Virtutum Vitiorumque e Sacris Lite-
ris collecta et ad certa Capita revocata, quae hic prave inscri-
buntur: *Incipit liber scintillarum Bede prespiteri uel secundum alios liber exemplorum sacre scripture. In nomine domini Amen.* Adjectit manus Sec. XV. *Johannis de Hanapis.* Longe diversas esse Bedae *Scintillas* a nostro Opere docet *autophia* T. VII. *Opp. Colon.* 1688. col. 370. f. Sed et adpo-
sita strictura in mendo cubat; non enim *Johannes* est Autor noster, sed *Nicolaus de Hanapis* ex O. P. *Episcopus Aconensis* et *Hierosolymarum Patriarcha* Sec. XIII. de quo ad *Cod. DCCXXXI.* diximus. Ceterum adnotari meretur, *duplicia haberi Exemplaria*; nam sunt, quae ordine quodam Doc-
trinae,

Wien, Österreichische Nationalbibliothek (ÖNB), Cod. 1577

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars I. Wien 1793.

449

HERMENEUTICI.

450

trinae, sunt, quae ordine alphabeticō procedunt: Priora incipiunt de *Miraculis divina potestate factis*, posteriora de *Adoratione et cultu Dei*. Ad priora pertinet v. g. Editio Colon. 1544. 4. quae mihi objacet, ad posteriora *Codex*, quem tractamus. Praeeunt illum *Capitum Tituli*, ejusque initium est: *Fa>um est ut offerret cayn de fructibus terrae munera domino &c.* Finis: *Explicit liber scintillarum Bede presbiteri vel secundum quosdam liber exemplorum sacre scripture Johannis de banapis.* Meminit *Quetifus T. I. Scriptt. Ord. p. 425.* dum de *Florilegio* nostro agit, Exemplarium, quae *Bonaventurae* aut *Guil. Peraldi* nomen praeferunt, sed, quod *Beda* tribueretur, nullum vidit.

CLXIV. VI. E 29.

³¹⁷ Codex membraneus lat. Sec. XII. Folior. 93. f. eleganter scriptus et rubricis enotatus sequentia comple&titur: I. *Incipit liber acinendon* (corrupte pro 'Αντιμεμενων) *id est contra oppositorum.* 'Αντιλογιαι sunt S. Scripturae per Interrogationes et Responsa extricatae, duabusque, non tribus, Libris comprehensae, quorum primo vetus Testamentum, secundo Novum percurritur. Liber I. sic orditur: *Interrogacio.* Cum in *Genesi Septem Primi dies legantur &c.* *Responsio.* Cur (qui) superius per dies singulos condita omnia retulit &c. Ad calcem minio: *Explicit liber. I. De veteri testamento. Incipit secundus De novo.*

Denis Codd. mss. theolog. Bibl. Palat.

Initium hujus: *Interrogatio. Quomodo Christus dicit. adtendite ne iusticiam uestram faciatis &c.* *Responsio.* Quid ergo quod opus uestrum. et ita faciendum est. ne uidetur &c. Ultima: ibi non est uirga necessaria sed spiritus lenitatis. *Explicit Interrogationes.* Et *Responsiones Ex Veteri Et Novo Testamento.* Opus hoc Salviano suo sub junctum primus in lucem extulit J. Alexander Brassicanus noster Basileae 1530. f. incerto, ut fert Titulus, Autore; non tamen nostro e Codice, III. enim ille *Libros* facit, tertium ab *Interrogationibus in Pauli Epistolas* exorsus; praeterea in titulo *Anticimenon* legit. Decennio post (sed fortasse jam 1533.) vulgatum esse *Coloniae* 8. ex antiquo *Fuldensi* Codice tradit *Andr. Schottus*, qui simul de Autore sollicitus *Ildefonsum Tolet. de Scriptt. Eccl.* excitat, in cuius *Adp. a Felice Ep. Toletano* sub juncta de Juliano pariter *Tolet. Episcopo* ita habetur: *Scripsit librum de contrariis, quod Graece αντιμεμενων voluit titulo adnotari: qui in duobus divisus est libris, ex quibus primus dissertationes continent veteris Testamenti, secundus novi.* Adi *Fabricii Bibl. Eccl. l. cit. et Bibl. PP. Lugdun.* T. XII. p. 647. ubi Opus aperte Juliano *Toletano* datur. Rem tamen dubiam reddit alter *Scriptt. Eccl.* Biographus aetate, ne quid dissimulem, *Felice* quidem inferior *Petrus Diaconus*, qui C. 12. de *Viris illustr. Casinens. de Berthario* loci Abbate ita narrat: *Li-*

F f

brum